

畿輔通志卷二百六十四

列傳七十二 列女二十

國朝十四

天津

國朝

天津府

天津縣

宋文元被盜傳良臣逼污不從與祖母劉氏同遇害

大清一統志

康熙三十二年旌

雍正志

王國士妻曹氏國士貧無行利里豪馬榛金逼妻與榛苟合

曹不從恚憤投水死

大清一統志

康熙四十九年旌

縣志

庠生李樹妻邢氏年二十四夫亡孝事舅姑撫孤守節四十

六年康熙五十三年旌

按縣續志有李樹妻邢氏已旌疑卽此

同時劉慎繼妻

郎氏慎繼官守備歿於閩郎撫孤苦節五十九年康熙五十

四年旌

雍正志兼採縣舊志

張大妻張氏以不從強暴被殺

大清一統志

康熙五十七年旌

雍正

志

張庚錫妻陳氏拒強暴被殺死雍正三年旌

同上

于允科妻龐氏年二十七夫亡舅姑並歿喪葬盡禮守節四

十五年

雍正志

同時馮加興妻張氏早寡孝事舅姑撫孤守節

至八十歲卒雍正三年并旌

縣舊志

監生沈繼元妻徐氏年二十夫亡矢志撫嗣子世英守節四

十四年雍正四年旌

任蘭校撰徐節婦墓誌銘

監生張鳳鳴妻婁氏年二十三夫亡孝事舅姑守節五十年

雍正四年旌

雍正志採縣志

庠生王士英妻胡氏夫亡絕粒矢從死舅姑阻之撫孤守節

五十六年雍正五年旌

王馨芝妻李氏夫亡遺孤甫三月翦髮矢志同時生員王克家妻周氏年二十七夫亡王極妻于氏亦早寡守節各三十餘年雍正五年并旌

邢大成妻張氏孝親守節至七十二歲卒林遷妻沈氏俞天覆妻穆氏俱早寡孝親守節各四十餘年雍正五年并旌

張峒詹妻林氏夫亡孝事舅姑守節四十餘年李天生妻王氏年十九夫亡孝事孀姑守節六十年庠生張帽詹妻靳氏早寡孝事孀姑撫嗣子守節三十九年雍正八年并旌

俱同上

王應祥妻鄧氏年二十七夫亡訓子及孫皆成立苦節五十餘年雍正十一年旌

雍正志

靳廷檜妻白氏年十八夫亡靳乾健妻陳氏年二十三夫亡

均孝事孀姑白守節四十八年卒陳撫子及孫苦守卒年三

十六歲雍正十一年并旌

雍正志

孔衍祚妻王氏年二十八夫亡守節二十八年孝事舅姑教

子成立雍正十一年旌

雍正志兼採縣志

庠生苻鍾奇妻任氏年十七于歸踰歲夫亡孀姑楊氏繼歿

營葬盡禮守節二十年卒雍正十二年旌

雍正志桐城方苞書苻節婦任氏

傳後略凡盡乎天理而爲人倫之極者皆聖賢之事也蓋人無微事無細而道之所全則甚大吾於天津苻鍾奇妻任氏事有感焉任年十七歸於苻踰歲而鍾奇死姑楊氏故孀也閏六月又死時任氏僅遺腹一女子而鍾奇弟妹四人皆孩提任氏保抱攜持爲之師又以其間修業而息之凡二十年各授室有家而節婦死鍾奇可無憾於其親矣夫嫠之苦身以勤家多爲其子也自有任氏而承夫之義始備焉遭事之變而曲得其時義雖聖賢處此其道亦無以加焉者也凡士之安常履順而自檢其身與所以施於家者其事未若斯之艱難也而乃苟於自恕非所謂失其本心者與望溪文集

高爾信妻魏氏年十七于歸比隣宋某妻與氏有違言搆於

其姑適氏母遣從子自銑迎之歸夫及姑皆外出某妻嗾隣
眾誣以爲姦自銑被逼誣服氏遂自戕以明志獄具官不能

理雍正十二年六月事

桐城方苞撰高烈婦傳烈婦魏氏天
津縣產難人雍正十一年年十七歸

縣民高爾信高儼屋官厥東與宋某同宮庭宇相望某妻與
烈婦有違言數構之於其姑十二年六月烈婦將歸甯其母
遣從子自銑迎適高嫗及爾信皆出某妻走告其姑曰汝婦
與人通入戶卽探囊金與之復嗾東西無籍者數人闖入交
閤強解自銑衣脅立借券否則共證之烈婦呼銑曰亟鳴之
官若書券我卽死銑暗弱急求脫執筆欲書烈婦望見卽引
刀自刎眾嚇自銑且誘之卒書券烈婦死因以券爲徵有司
莫辯也既當自銑大辟而後知其冤以矜疑繫獄乾隆元年
赦免邑之學儒者朱紹夏孫坦爲文以標白之而致於余鳴
呼烈婦遭怪變謂惟死可自明而卽用其死以成獄辭徒以
銑之券耳人心之抗蔽至此吁可畏哉傳其事以志烈婦之
隱愍且使爲吏者鑑焉論曰古之聽訟獄者必悉其聰明致
其忠愛以盡之疑獄汜與眾共之世有烏獸行而能殺身以
自明者乎自古婦人之義皆以死而彰魏氏則旣死而猶暗
鬱易曰日中見沫又曰載鬼一車聖
人繫辭以爲世戒有以也夫 同上

庠生靳家夔妻盧氏年二十八夫亡翁與兩姑尋歿竭力營

四喪無失禮撫三子守節五十五年又斬騏妻侯氏年二十

四夫亡撫孤守節四十七年孝事孀姑雍正十三年并旌

志

姜皓妻周氏參將天命之姪女也于歸越八載夫亡撫孤子

起渭起濱皆成立孫森雍正十三年舉人卒年九十三歲

夏撰傳

周人驥妾崔氏李氏人驥由雍正丁未進士歷官廣東巡撫

卒於家崔李方盛年無出家人勸之嫁二氏誓死不從時人

驥次子婦楊亦早寡遺二子於是共撫之成立卒年皆七十

餘牛次原記二節婦事略崔氏李氏周蓮峯中丞側室也初

世崔李方盛年無子家人有勸其改適者二氏誓不從脫簪

珥相與守節生平相親猶姊妹中丞次子婦楊氏亦年未三

十而寡有二子於是合志撫孤本籍僅舊宅一區没人官家

縣志

朱紹

褒補從幾徧褒殮不繼無感容人以爲
有士君子風卒年皆七十 津門詩鈔

庠生趙連璧妻王氏年二十九夫亡主簿趙完璧妻石氏年
二十五夫亡事孀姑均以孝稱王無子以石子之符爲嗣登
進士苦節四十年石子之篆之籙俱入泮卒年六十六歲同
族趙都妻趙氏年二十四守節四十年如一日撫子之範成
立乾隆二年并旌

府志

許敬祖妻宋氏年二十二夫亡守節三十五年乾隆三年旌
米希榮妻劉氏希榮貌陋而貧父母欲改字氏不從時年甫
十四卒歸於米巡撫夏玉旌其門

湯橋妻穆氏夫亡守節姑歿哭之喪明不數月亦卒同里庠
生母光瑜妻靳氏年二十八夫亡庠生張英妻馮氏年二十
夫亡劉玫妻靳氏年十九夫亡張恂繼妻張氏年二十六夫

亡趙應貞妻李氏年二十四夫亡皆孝事孀姑母妻靳氏守節五十二年餘守節終身

俱同上

副將梅應元妻黃氏妾薛氏徐氏應元早卒薛年二十八徐

年二十撫遺子開傑守節

縣舊志

庠生于起泮妻嚴氏年二十七夫亡孝事瘖姑訓子入庠守

節三十八年

府志

王銘新妻張氏年二十一夫亡兩事繼姑皆盡職守節四十

一年已旌諸生孫天職妻蕭氏年二十八夫亡孝親訓嗣子

昌入泮守節三十六年

劉邦琪妻彭氏年二十五夫亡孝親撫嗣守節垂四十年張

鑄妻李氏年二十九夫亡州同王言妻趙氏年二十一夫亡

均孝事舅姑撫孤守節終身

同上

胡利溥妻劉氏年十九歸利溥未逾年利溥募松喬術遠遊
不返劉力作養舅姑撫遺腹子忠楨成立苦節五十五年

津門

詩鈔

陶某妻陳氏于歸三載陶卒陳自刎以殉觀察石天樞旌其

門同時阮奇玉妻諸氏夫亡亦自經死

縣志舊志

趙某妻裴氏年十九夫亡紡績撫孤以供饘粥歷六十年如

一日

同上

金振妻丁氏振山陰人授徒於津遂家焉常匱乏丁以女紅

佐之振無內顧憂丁無出爲振納妾徐生二女振卒夜半卽

柩前自經死時年三十八歲貧不克殯郡人爲捐貲附葬於

陳氏諸氏裴氏三婦墓時稱爲津門四烈節云

府志邑人查禮節烈四

婦歌并序天津舊有三婦合葬一爲譚某妻陳氏一爲阮某妻諸氏均不受強暴汚以烈死一爲趙某妻裴氏以節死乾

隆元年八月十八日金振妻丁氏無子視夫含殮畢旋殉柩側里人請諸當事與三節烈并葬稱節烈四婦云

鈔

案陳氏係湖廣人蘇州譚應宸妻見流寓

津門詩

李友泰女芝圃幼穎悟通詩書母徐氏字烟玉以繪事名女

得其傳性至孝終身不字以事雙親母疾侍湯藥目不交睫

友泰病瘡女口舐之瘡爲愈卒年五十有四

津門詩鈔

張倫妻蘇氏年十九歸倫事舅姑盡職姑歿遺幼子並二女

氏撫之不辭勞瘁女妹旣長出己奩分畀之無所吝舅老病

昏瞶中呼孝婦氏計無所出循階號禱於天割臂肉寸許和

羹以進舅疾爲愈

孫勣張孝婦傳略

孫泓

閨秀正始集作孫洪

妻程氏名德輝幼聰慧讀書過目不忘及笄

歸泓婚之夕夢詩有梨花空自落之句意以爲不祥未幾泓

病歿無子矢從死以繼嗣未立暫忍焉泓未卒常依氏父鑰

居懷慶至是氏以舅老無依乃歸津奉養盡職越六載泓弟

明生子曰紹賢撫以爲嗣又逾歲氏夢泓來迎作遺書告其

舅

其書略曰兒生不辰壞牆賁恨藐若寡鵠上累椿庭始以白首無期黃泉可卜顧殤子不嗣恐若敖餒而昔人言就

死易立孤難兒何人斯敢圖其易哉今幸螟蛉類我勿遺夫以伯道之憾菽水承歡漫致親有史雲之憂羹湯洗手恩酬

愛日分合常依獨是生者託奉色笑于彤幃死者誰驅螻蟻于黃壤舉案挽鹿之謂何而竟以幽明異視哉况梨花空落

夢識初婚命薄自天分應早謝倘欲未亡人同穴俟白首而後不且貽夫子泉臺有懸望之鰥耶興言及斯食息都廢所

願慈幃鞏同山岳兒雖九泉埋骨三生含笑矣遂闔戶自經時年三十有三其夕室

中白氣竟丈觸窗而出一烏赤如火迴翔戶內良久乃去生

平作詩甚多卒前一夕盡焚之存者雨霽幽蘭二章而已

雨霽

詩云雨餘晴自好暮色靄林端斜景淡相媚小窗空復寒花明如欲語鳩逐不成歡滿徑蒼苔滑含情獨倚欄幽蘭詩云紉佩相參欲怨誰國香原不要人知祇應空谷佳人共翠袖天寒日暮時梅成棟詩註云人樂則願生苦則思死節完嗣立奉舅終身誰復捨身爲快哉乃從容就義視死如歸視夫一時激烈慷慨捐軀者不尤難歟正誼明道古大賢事也猗

歟巾幗日月爭光矣 津
門詩鈔兼採秋坪新語

佟瑛妻趙氏揚州人幼聰慧六歲解吟咏父甚愛之及笄歸

鏌鏌官縣令擢平樂守卒於官氏年二十六扶櫬歸京師依

兄公鉉僑寓天津遂家焉子濬成進士氏著有殘夢樓詩草

不輕示人惟祀竈及題邊塞圖二絕爲時所誦

祀竈詩云再拜東厨司命

神聊將清水餞行尊年年破屋多塵土須恕夫亡子幼人

邊塞圖詩黃沙漠漠迥無垠萬里關河不度春今見畫圖腸

欲斷可知當晚年以所居樓曰殘夢自號殘夢主人其兄公

日戌邊人

鉉妾豔雪亦以詩名

豔雪悼金夫人詩逝水韶華去莫留漫傷林下失風流美人自古如名將不許

人間見白頭楊文妻郭氏年二十夫亡撫孤孝事舅姑及破庶姑某氏逼

採國朝閨秀正始集及蓮坡詩話之嫁不得已携子之母家紡績自給比庶姑歿仍厚葬之卒

年七十有三

朱紹夏撰傳

王之臣繼妻田氏年二十三于歸撫前室女以恩生子統越五年夫卒矢志撫孤族人利其產與夫姊謀氏曲意下之皆感愧而止守節三十年卒

桂聯芳妻曾氏聯芳歿含殮畢欲自經戚族以撫孤大義責止之守節三十年子四皆成立一適張溥年二十九寡撫子

成立亦以節著

俱同上

貢生牛奭妻李氏早寡守節撫孤鐘瑞成立卒年五十一晚年卧病媳張氏侍奉湯藥手除糞穢久而不倦戚族咸稱賢

孝

府志

吳某妻韓氏其父文義官千總卒於清江浦閱七年始聞耗氏謀歸櫬吳難之氏泣曰人孰無父櫬不返生女何爲乃鬻奩具携僕姬抵清江遍訪無知者具牒請於官始知父歿海

州距清江七百餘里路險絕韓卽日起行至其地經一村舍
驢忽止策之不行韓心動入詢之卽父舊所主也言當日情
狀甚悉且指藁葬處韓悲痛欲絕啟塚拾骨裹而歸或告爾
父曾寄金某某訟之可得韓曰吾豈爲訟金來哉囊骨徑返
負之輕如葉

周焯撰韓
孝女傳

梁得華妻王氏年二十二夫亡事舅姑喪葬盡禮撫孤守節
五十九年乾隆三年旌

縣舊志

監生劉文煥妻李氏年二十五夫亡奉翁姑撫孤守節三十

一年卒乾隆六年旌

縣續志

貞烈女殷氏父起鳳早故母爲媒妁所誑誤適邢文貴年甫
十六文貴母趙氏故娼也已逼長媳程氏失節及殷歸復逼
之誓死不從箠楚炮烙不爲動復沃以沸湯不少屈閭里以

其事鳴官爲察驗女諱姑惡詭以瘡對不數日死邑令張拘

趙及文貴寘於法葬女西門外四烈墓側

縣續志 邑人周焯弔殷貞女詩一

室薰蕕品自分趨風狂犬謾信信清冰肯受蒼蠅點貞玉從教灼火焚冤可大伸終欲茹肌雖全腐亦常芬衛安門外添壞土從此人呼五烈墳 卜硯山房詩鈔

謹案縣續志乾隆七年旌表貞婦殷氏疑卽此重出

李之花妻劉氏乾隆九年壽百歲已旌

訓導張廷錡女名懷清幼字王埇未婚而埇卒女潛製素衣

閉門投水甕死合葬於埇之墓乾隆十三年旌

縣續志 林周人騏張翰

烈婦傳略烈女者明經張廷錡女也明經世爲天津士族任俠負氣女生七歲聞父誦木蘭從軍詩欣然注聽明經愛之以爲類已授之書讀輒解一日手烈女傳一篇叩所願女舉孝女曹娥對明經默然稍長習鍼黹藝出羣文明經家故貧而性嗜飲女以十指之入時爲貰杯酒明經顧之色喜年十九許字同邑王埇埇年逾弱冠略血越二年將娶忽以一夕卒女聞之色變母氏戒家人防之翼日晨起女言笑若平時家人以其無威容弛防護傍午父兄俱出弔王氏母方假寐

女促嫂及妹當畢女紅之未畢者曰我當備午餐視厨中甕
水涸呼老僕汲水滿甕復注水於另屋釜中屬幼婢執爨火
自入厨摘蔬引刀著几案閣閣有聲少頃復至嫂妹前訊鹽
米贏虛狀嫂妹益不疑女旋疾入厨無動靜久之婢呼女不
應往推門門閉乃大呼家人驚趨隙窺之見女半身倒出
甕上急壞門救出之首罩一帕已氣絕時年二十有一明經
聞故趨歸灑淚曰嗟乎竟有是哉吾女自曩年授書已兆今
日沈淵識矣論曰禮稱取女有吉日而死婿齊衰往弔既葬
服除夫死亦如之若是則烈女可勿死矣而竟死固明經之
素教使然抑由其天性之剛與夫國家風厲之澤之入人
深也烈女養父志近仁顧空名近義引決從容近智勇如斯
人而得之冠蓋鬚眉以濟國是詎非中流砥柱哉不幸身為
女子而又所遇之窮以摧殘其生命也悲夫余又聞烈女嘗
欲弔殷烈婦墳殷烈婦者亦天津人身邁奇酷以自表見墳
在城西門外嗚乎彼皆婦人女子耳而乃能若是縣續志
河間紀昀咏張烈女詩去年三月二十日我自津門泛舟
出海雲東北生烏鳶鳴噪急舟人收柁驚相呼惡風白浪來
天末鼉鼉盤擲四塞昏魚龍潑刺長河溢義和日車不敢行
六螭飄忽愁相失三百六十軸大地疑汨沒杳杳冥冥中鬼
神泣嗚咽未測造物心何事驚倉卒誰知烈女命正以此時
畢吁嗟乎不為木蘭卽為曹娥憂來傷人淚滂沱妾身雖未
嫁一言既許安有他但愁黃泉下未曾相識其如何我感其
事為悲且歌今夕何夕愴懷實多簾幃舒卷戛戛聲磨孤燈
忽暗毛髮立精靈彷彿雲中過悄然神悚不敢坐空庭颯颯

生風波夜半開門望天地盲風
暗雨如翻河 紀文達公遺集

詩婦某姓氏不傳年三十許携女行乞於市舉止嫺雅有大

家風叩其里居不言飲泣而已久之題詩城南門不知所之

詩云滴滴青衫涇淚痕不堪回首舊朱門相將賸有伶仃女行過前村又後村一時和者甚眾乾隆

三十年事

秋坪新語

吳涓妻孟氏年二十三夫亡守節三十年孝事舅姑訓子標

入泮同時職員鄭其身妻王氏年三十夫亡事舅姑及繼姑

皆盡職繼姑舉一子與舅同時沒氏竭力喪葬撫兩世孤備

嘗艱苦年六十四以憂勞失明子經入泮

縣志

王仲甫妻于氏進士疑祺女幼讀書嫺閨儀年十六于歸逾

歲夫亡以哀毀數月死同時朱元善妻陳氏年二十八夫亡

哀號絕食四日死